

11 MAY 1997

UMNO SAMBUT ULANG TAHUN KE-51 DENGAN FORUM PERDANA

KUALA LUMPUR, 11 Mei (Bernama) -- UMNO menyambut ulangtahun ke-51 hari ini dengan mengadakan Forum Perdana bertajuk "Pengkisahan Sejarah Umno: Cabaran dan Kejayaan" di Pusat Dagangan Dunia Putra (PWTC), di sini.

Presiden parti Datuk Seri Dr Mahathir Mohamad akan menyampaikan ucapan utama pada forum anjuran pergerakan Pemuda parti, yang antara lain membincangkan halatuju Umno bagi tempoh 10 tahun akan datang dalam mengharungi alaf baru.

Pendekatan baru parti juga dijangka diputuskan pada forum itu.

Terdahulu, satu perbarisan pergerakan Pemuda dan Wanita diadakan diikuti upacara menaikkan bendera Umno dan nyanyian lagu parti di perkarangan bangunan Dewan Merdeka, PWTC.

Dr Mahathir juga akan merasmikan Galeri UMNO di lobi Menara Datuk Onn.

Sambutan itu dihadiri kira-kira 1,000 peserta yang terdiri daripada anggota Majlis Tertinggi, exco pergerakan Wanita, ketua-ketua bahagian serta ketua pergerakan pemuda negeri dan bahagian.

Majlis tahlil akan diadakan di surau PWTC pada sebelah malam. --
BERNAMA

RAZ FAZ